

## 2 TESALONIKA BATII

### Kukū Nyɔɔfa Ko Di Paulo

### Lakpana Aata Ni Tesalonika Batii

<sup>1</sup> Ami, Paulo, ku Silvano kue Timoteo niekpana kukū ko mmle buɔta aye ba ninle ni Yaa ku Saate Yesu Kristo bale di Tesalonika. <sup>2</sup> Teete Yaa ku Saate Yesu Kristo bale ye sibuale ku atoko okye ole.

*Buotikiti Yaa Lekoto Bule Nkpa Lee Kasieko  
Lelee Le Elee Ye Nii.*

<sup>3</sup> Babiloo, dikpe ni buɔpe Yaa sɛfa diisi lee obe lele. Diesieko ale buabla nkpo, diekye ofū onu lee komuo osie kanya, leɓombɔ le bikpe bieta ni bawo kafɔ nfe kɔkye sitū. <sup>4</sup> Nioso munkanta di suoto lee munta nsiisako bule ne. Diekye ofū onu lee lekple kukpe osie. Nu batikanko ye, biofe kafɔ diibuo kpinwu kame.

<sup>5</sup> Nle mmle kotuo ale Yaa lekanko le ɛeta ni lewo, nioso bababu ye manta ye kasieko di sɛka nɔɔ kaleko ne, ta ninni oso biɔnya ni dibuo. <sup>6</sup> Yaa makanko di osuku kanya. Nioso abananfi mba nintikanko ye ni kootoko. <sup>7</sup> Kafɔ abata ale aye ku awo ba diobuo ni munwe onyɛɛ ɔte. Yaa kamabla nle mmle di obe wo di Saate Yesu ku Yaa Batokyeɛte makyɔɔ ni di osi ku osie ku ɔto. <sup>8</sup> Nioso batii ba ninanyeke ni Yaa ku mba ninanfū Saate Yesu Kristo ɔlaa biene banu nii, abananfi ma kootoko. <sup>9</sup> Nioso Saate nwu matososa ma di anu nɔɔ. Mia kafɔ blobanya leklekle nɔɔ ku osie nɔɔ. Nfa nfe abawɔsa ma ku letembi lema

ne. <sup>10</sup> Nle mmle mawa di dii kple le suoto di Yesu makple anwa nii. Bafūbanute nɔɔ bamuu matikanko nwo ku katansa. Aye kafɔɔ bibasiɛ ma kaame, diekye biafū ɔlaa biene nɔɔ nwu बातoko ye ni bianu.

<sup>11</sup> Ta nkpo oso obe lele buɔpe ɔlaa munta Yaa diisi lee. Muntikiti Yaa loo lekoto bule nkpa lee kakaatɛɛ di leleɛ le ɛleɛ ye ni suoto. Diekyakaa nii, osie nɔɔ kukyakaako ye aakpee ye osie die disibu biene le bikpe ni ale, lesaa lele bibabla ta nnwɔɔ oso diɛwa kaanya. <sup>12</sup> Buokaale asaa ya mmle munta ye ta mmle baatakatesa ni Saate Yesu Kristo leyooto katoɔ ta aye oso. Ku mmle di nnwɔɔ kafɔɔ aatakatesa ye ni ayooto katoɔ, ta nnwɔɔ Yesu ku Yaa sifutule oso.

## 2

### *Bitanta Bile Oti Kuonwii Lakyonkyo Ye.*

<sup>1</sup> Babiloo, buomie bule butoko ye lesaa finle ninwii di Saate Yesu Kristo okple lewa ku mmle bubasi munkyakako nwo nii. <sup>2</sup> Nse bienu bile Saate lewa dii nwu ntɔɔwa diebafɛ, buloomie bule disibu lee dikpokpoto ye ee leyekɛ dipɛ ye. Loobia dibate ye ale buabuɛ ni di obe wo kame buatoodiki ni Yaa kanya ee buabuɛ ni Yaa ɔlaa nwu ee buakpana kukū kowo buakyesee ye ni oso.

<sup>3</sup> Bitanta bile otii kuonwii lakyonkyo ye di osuku kuonwii suoto. Diekye Saate dii nwu nkpo dilabawa diele ase di obe wo baatii kpinwu masi ni Yaa, ku otii kpile wo di Yaa lediki eese lete ale nnwɔɔ Yaa abawɔɔsa ni lewa fie. <sup>4</sup> Oti kpile wo mmle mayila di Yaa suoto, ee lesaa lele manto

ni suoto. Abatakatesa suoto katoo ale nnwɔɔ ninlenke. Abasifi anaasie di Yaa leyo ambla suoto fe nnwɔɔ ninle Yaa.

<sup>5</sup> Binyuma bile obe wɔ lawe ni kaame lee, latoko ye selaa se mmle simuu. <sup>6</sup> Kafɔɔ, osie onwii nikofii osuku ale nle mmle ditayiwa nunua. Aye bamu kafɔɔ biye lesaa le dile nii. Otii kpile nwu madiki suoto kayi nse obe nɔɔ ntoowo.

<sup>7</sup> Kafɔɔ disii osie asaa ya babatɔɔbla ni ntookye kasɔ kofokofoko di lewofa kame. Kafɔɔ asaa ya nimawa nii, dilabawa diediki Yaa lekyisa otii wɔ nietii ni otii kpile nwu osuku. <sup>8</sup> Nni kamaa, otii kpile nwu madiki suoto kayi antuo.

Kafɔɔ se Saate Yesu lewa, abayɔ kanya nɔɔ kame owiidi ku lekpa nɔɔ anlo nwɔ, anwɔɔsa letembi nɔɔ kafɔɔ. <sup>9</sup> Otii kpile wɔ mmle nwu mawa ku Abonsam osie, ambla kakyɔnkyɔ sekpe se niebla ni okpe ate ate antuo. <sup>10</sup> Abafe di disii osie osuku lele suoto ankyɔnkyɔ batii ba nimawɔɔ nii. Babawɔɔ diekye beesii ale boloofii Yaa ɔlaa biene wɔ nimata ma in nkpa banu. <sup>11</sup> Ta nkpo oso Yaa madie ma manfii selaa kuafunu mannu.

<sup>12</sup> Nni kamaa, Yaa malo bamuu lema lepɔɔ, diekye baafii ɔlaa biene nwu banu. Ta baatɔɔnya suoto leyɔɔ di okpile ɔbla kame.

*Biyila Osie Kanya Diidiki Le Biwe Ni Kame.*

<sup>13</sup> Kafɔɔ dikpe nii buɔpe Yaa sefa diisi lee obe lele, aye babiloo ba di Saate mbombo ni nwaa. Diekye eediki ye, dieyɔ ni kaasɔ kakyekɔ ebla ye klekle ale biawe nkpa diefe ni die Yaa Ninwuna Klekle okpe ɔbla kame, ta biefii ɔlaa biene nwu bienu ni oso. <sup>14</sup> Diefe ni di ɔlaa biene loo obuɛ kame, ni di Yaa lalɛɛ ye ale biawa mimawe

kaleko di Saate Yesu Kristo leyooto kame ne.  
<sup>15</sup> Nioso, babiloo, biyila osie kanya, biemufu olaa wo buatuo ye ni di aku loo okpana ku lekakate kame biklee osie kanya.

<sup>16</sup> Saate Yesu Kristo omu ku Teete Yaa loo wo nimbombo wo nii, ata wo otu okpee wo ninnaa ni kaloo ku osuku onyu biene ta sibuale noo oso.

<sup>17</sup> Akpee ye otu ku osie ale obe lele biabue olaa biene nwu, mimbla kafoo asaa biene amuu.

### 3

#### *Binyuma Biɛɔɔpe Olaa Bitoota Yaa Diisi Loo.*

<sup>1</sup> Kayente nii, babiloo, bitoape olaa bitoota Yaa diisi loo ale, Saate olaa nwu katokpe kuntokye aba aba ku dibu fe mmle di aye kafoo biafu nwu nii. <sup>2</sup> Bipe olaa bita Yaa kafoo bile, aadiki wo ankyeko basiensiete ku bakpilete nne kame, diekye diele batii bamuu niefu olaa nwu beenu.

<sup>3</sup> Kafoo Saate nle nwaakote, abakpee ye osie, andiki ye kafoo ankyeko kpilete nwu nne kame.

<sup>4</sup> Bukpe ofu onu di Saate kame bule biobla asaa ya buatuo ye nii, buye kafoo bule bibafuo okple otobla onlenkeesa nkpo. <sup>5</sup> Saate omu ata ye lesonu le nietaka ni katoo di Yaa lebombo le akpe eta wo ni ku otu okpee wo niekye ni Kristo nfu.

#### *Biklee Osie Kanya Di Okpe Obla Kame.*

<sup>6</sup> Babiloo, buokpee ye kufiofa di Saate Yesu Kristo leyooto kame bule, biblasa suoto di bafubanute ba ninle ni bakyoko manamufu asaatuo ya buotuo ye ni baklee ni. <sup>7</sup> Aye bamu biye nwaa bile dikpe ni biebla okpe fe mmle buobla nii, diekye butabla nkyoko di obe wo

buawε ni kaame lee. <sup>8</sup> Butale kuonwii alesaa aλe butata koto. Nioso buabla okpe osie kanya kakū ku kakyε aλe bulakple atoo butika di otii kuonwii suoto. <sup>9</sup> Diele aλe bunaa osuku aλe bianyu wo ni kanya oso butata ye biabla nkpo. Kafoo buabla bule buoyo muntuo ye aλe ayee, biabla nkpo. <sup>10</sup> Nse bianyuma, obe wo buawε ni di okye lee, buatoko ye bule otii wo niesi ni okpe obla ninnle.

<sup>11</sup> Buobue olaa wo mmle diekye buonu aλe bakyoکو bawo nsi ye kaame boosi ni okpe obla kafoo boopleple baatii sekpe suoto. <sup>12</sup> Buokpee batii ba mmle kufiofa osie kanya di Saate Yesu Kristo leyooto kame, munka ma kafoo bule, balolaa nkpa basiε, baamufu sekpe babla banyu suoto.

<sup>13</sup> Kafoo aye, babiloo, bitanta nneε lafee ye di dibiene obla kame. <sup>14</sup> Nse otii owo diekyoo olaa wo buootoko ye ni kotoko di kukū ko mmle kame, biε nwo nsu, bitansimbla onwii ku nnwoo, mmle sinnunso kakpe nwo nii. <sup>15</sup> Bitambla nwo fe lo lee ale. Kafoo, bisi olaa bitoo fe obilee.

### *Buoklaa Ye.*

<sup>16</sup> Nioso, Saate wo ninta ni atoko okye ole omu, ata ye atoko okye ole lesaa biala obla kame. Saate asiεko bamuu lee.

<sup>17</sup> Ami, Paulo omu, niεyo konεε lekpana oklaa kukū ko mmle. Nkpo ninkpee konεε di kukū nii biala lekpana kame ne. Ami omu kokpana ninle nko mmle ne.

<sup>18</sup> Saate Yesu Kristo sibuale disiεko bamuu lee.

## **Yaa Kanya Ninii Fole Sɛlɛɛ**

### **Selee: Yaa Kanya Ninii Fole Sɛlɛɛ New Testament**

copyright © 2008 Wycliffe Bible Translators, Inc.

Language: (Selee)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6